

VENDIM
Nr.598, datë 27.4.2009

PËR DISA NDRYSHIME NË VENDIMIN NR.1619, DATË 2.7.2008, TË KËSHILLIT TË
MINISTRAVE “PËR KLASIFIKIMIN E FUNKSIONEVE, GRUPIMIN E NJËSIVE TË
QEVERISJES VENDORE PËR EFEKT PAGE DHE CAKTIMIN E KUFLIJVE TË PAGAVE
TË PUNONJËSVE TË ORGANEVE TË QEVERISJES VENDORE”

Në mbështetje të nenit 100 të Kushtetutës, të neneve 5/1 e 6 të ligjit nr.8487, datë 13.5.1999 “Për kompetencat për caktimin e pagave të punës”, të ndryshuar, të ligjit nr.8549, datë 11.11.1999 “Statusi i nëpunësit civil”, dhe të neneve 24, 32 e 54 të ligjit nr.8652, datë 31.7.2000 “Për organizimin dhe funksionimin e qeverisjes vendore”, të ndryshuar, me propozimin e Ministrit të Brendshëm dhe të Ministrit të Financave, Këshilli i Ministrave

VENDOSI:

1. Në vendimin nr.1619, datë 2.7.2008 të Këshillit të Ministrave, bëhen këto ndryshime:

a) Lidhja nr.1 “Struktura dhe nivelet e pagave për nëpunësit civilë të bashkisë së Tiranës”, që përmendet në pikën 2, zëvendësohet me lidhjen me të njëjtin numër dhe emërtim, që i bashkëlidhet këtij vendimi dhe është pjesë përbërëse e tij.

b) Lidhja nr.2 “Struktura dhe nivelet e pagave për nëpunësit civilë në bashkitë e tjera, në njësitë bashkiake të Tiranës dhe për nëpunësit e komunave”, që përmendet në pikën 3, zëvendësohet me lidhjen me të njëjtin numër dhe emërtim, që i bashkëlidhet këtij vendimi dhe është pjesë përbërëse e tij.

c) Lidhja nr.3 “Struktura dhe nivelet e pagave për nëpunësit civilë të këshillit të qarkut”, që përmendet në pikën 4, zëvendësohet me lidhjen me të njëjtin numër dhe emërtim, që i bashkëlidhet këtij vendimi dhe është pjesë përbërëse e tij.

ç) Në pikën 5, paga e grupit bëhet 12 000 lekë në muaj.

d) Lidhja nr.4 “Klasifikimi i vendeve të punës në shërbimin civil, për organet e qeverisjes vendore”, që përmendet në pikën 10, zëvendësohet me lidhjen nr.4 “Klasifikimi i vendeve të punës për nëpunësit civilë të bashkive e të qarqeve dhe për nëpunësit e komunave”, që i bashkëlidhet këtij vendimi dhe është pjesë përbërëse e tij.

dh) Lidhja nr.5 “Struktura dhe kufijtë e pagave për punonjësit e policisë së bashkive e të komunave”, që përmendet në pikën 13, zëvendësohet me lidhjen me të njëjtin numër dhe emërtim, që i bashkëlidhet këtij vendimi dhe është pjesë përbërëse e tij.

e) Në pikën 19, vlerat “...nga 17 000 lekë deri në 28 000 lekë në muaj.” bëhen “... nga 18 000 lekë deri në 30 000 lekë në muaj.”.

2. Efektet financiare për vitin 2009, që rrjedhin nga zbatimi i këtij vendimi, të përballohen nga të ardhurat e vetë njësive të qeverisjes vendore.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1 maj 2009.

KRYEMINISTRI
Sali Berisha

Lidhja nr.1

NIVELET E PAGAVE PËR NËPUNËSIT CIVILË NË BASHKINË E TIRANËS

PAGA MUJORE (LEKË)					
KLASA	KATEGORITË	PAGA INDIVIDUALE			SHTESA E POZICIONIT
	1	2	3	4	5
		Paga e	Shtesa për	Shtesa për	Shtesa për pozicion

		grupit	vjetërsi	kualifikim	
I	I-b	12000	2%		Nga 67 000 deri 115 000
II	II-a	12000	2%		Nga 64 000 deri në 105 000
	II-b	12000	2%		Nga 56 000 deri në 88 000
III	III-a	12000	2%		Nga 30 000 deri në 69 000
	III-a/1	12000	2%		Nga 26 000 deri në 60 000
	III-b	12000	2%		Nga 24 000 deri në 52 000
IV	IV-a	12000	2%		Nga 22 000 deri në 41 000
	IV-b	12000	2%		Nga 20 000 deri në 31 000

NIVELET E PAGAVE PËR NËPUNËSIT CIVILË NË BASHKITË E TJERA, NJËSITË BASHKIAKE TË TIRANËS DHE NËPUNËSIT E KOMUNAVE

PAGA MUJORE (LEKË)								
KLASA	KATEGORITË	PAGA INDIVIDUALE	SHITESA E POZICIONIT					
				Njësi të qeverisjes vendore mbi 100 000 banorë	Njësi të qeverisjes vendore me 50001-100 000 banorë	Njësi të qeverisjes vendore me 20001-50 000 banorë	Njësi të qeverisjes vendore me 5001-20 000 banorë	Njësi të qeverisjes vendore me më pak se 5000 banorë
	1	2	3	4	5	6	7	8
		Paga e grupit	Shtesa për vjetërsi në punë	Shtesa për pozicion	Shtesa për pozicion	Shtesa për pozicion	Shtesa për pozicion	Shtesa për pozicion
I	I-b	12000	2%	Nga 23 000 deri 63 400	Nga 20 200 deri 57 000	Nga 18 600 deri 46 000	Nga 17 600 deri 31 500	Nga 15 000 deri 26 000
II	II-a	12000	2%	Nga 22 000 deri 60 000	-	-	-	-
	II-b	12000	2%	Nga 18 600 deri 50 800	Nga 17 600 deri 46 000	Nga 15 000 deri 36 500	Nga 14 500 deri 31 000	Nga 14 000 deri 23 300
III	III-a/1	12000	2%	Nga 18 000 deri 45 000	Nga 16 600 deri 40 000	Nga 14 700 deri 34 500	Nga 13 500 deri 27 500	Nga 13 000 deri 22 500
	III-b	12000	2%	Nga 17 600 deri 40 800	Nga 15 000 deri 37 500	Nga 14 300 deri 32 500	Nga 13 000 deri 25 500	Nga 12 000 deri 22 000
IV	IV-a	12000	2%	Nga 11 000 deri 28 600	Nga 11 000 deri 26 500	Nga 10 000 deri 25 500	Nga 10 000 deri 24 000	Nga 10 000 deri 18 600
	IV-b	12000	2%	Nga 10 000 deri 26 000	Nga 9500 deri 23 000	Nga 9500 deri 19 000	-	-

Shënim: Këshilli i bashkisë dhe komunës në përcaktimin e shtesës në pagë për pozicion, sipas ndarjes në njësi vendore, bazohet në numrin e banorëve të Regjistrit të Gjendjes Civile, në filim të vitit kalendarik.

NIVELET E PAGAVE PËR NËPUNËSIT CIVILË NË KËSHILLIN E QARKUT

PAGA MUJORE (LEKË)					
KLASA	KATEGORITË	PAGA INDIVIDUALE			SHTESA E POZICIONIT
	1	2	3	4	5
		Paga e grupit	Shtesa për vjetërsi	Shtesa për kualifikim	Shtesa për pozicion
I	I-b	12000	2%		Nga 36 000 deri në 69 000
II	II-a	-	-		-
	II-b	12000	2%		Nga 23 500 deri në 52 000
III	III-a/1	12000	2%		Nga 21 500 deri në 45 000
	III-b	12000	2%		Nga 18 000 deri në 41 000
IV	IV-a	12000	2%		Nga 11 500 deri në 31 000
	IV-b	12000	2%		Nga 10 500 deri në 23 000

KLASIFIKIMI I VENDEVE TË PUNËS PËR NËPUNËSIT CIVILË TË BASHKIVE E QARQEVE DHE PËR NËPUNËSIT E KOMUNAVE

Vendet e punës për nëpunësit civilë të bashkive e qarqeve dhe për nëpunësit e komunave grupohen në 4 klasa si më poshtë:

Klasa I: Ka përgjegjësinë për menaxhimin e institucionit, përcaktimin e programeve të përgjithshme në fushat që mbulon institucioni, koordinimin e këtyre programeve të përgjithshme dhe përdorimin eficient të të gjitha burimeve financiare, njerëzore etj., për arritjen e rezultateve të përcaktuar, si dhe dhënien e këshillimit përfundimtar dhe të drejtpërdrejtë drejtuesit të institucionit.

Në këtë klasë bëjnë pjesë kategoritë:

I-b Sekretar i Përgjithshëm (atje ku krijohet në bazë të strukturës)

Klasa II: Është niveli më i lartë i menaxhimit të një institucioni dhe ka përgjegjësi për hartimin e programeve në fushën që mbulon dhe për arritjen e rezultateve të përcaktuara në këtë fushë.

Në këtë klasë bëjnë pjesë kategoritë:

II-a Drejtor i drejtorisë së përgjithshme

II-b Drejtor drejtorie

Klasa III: Bën të mundur koordinimin e mendimit dhe opsioneve të reja programore për një fushë të caktuar të specialitetit, zbatimin e programeve në këtë nivel, përgatitjen e propozimeve përfundimtare të cilat duhen aprovuar nga niveli menaxhues më i lartë. Kjo klasë bën të mundur gjithashtu dhe zgjidhjen e problemeve komplekse që lidhen me menaxhimin e projekteve të mëdha ose sektorëve/njësive brenda institucionit.

Në këtë klasë bëjnë pjesë kategoritë:

III-a Përgjegjës sektori
Kryeinspektor

III-a/1 Përgjegjës sektori në Bashkinë e Tiranës, në administratën e qarqeve, në njësitë e qeverisjes vendore me 50 001-100 000 banorë dhe në njësitë e qeverisjes vendore me mbi 100 000 banorë

Kryeinspektor
III-b Përgjegjës sektori;
Specialist i nivelit të lartë;
Inspektor.

Klasa IV: Kjo klasë merret me zbatimin e programeve ekzistuese, koordinimin e aktivitetit të stafit mbështetës, si dhe me formulimin dhe vlerësimin e opsioneve mbi një fushë të caktuar, duke u bazuar në eksperiencën profesionale të fushës, njohuritë e specialitetit, analizën e informacionit dhe kërkimin.

Në këtë klasë bëjnë pjesë kategoritë:

IV-a specialist i nivelit të mesëm;
IV-b specialist.

Lidhja nr.5

STRUKTURA DHE KUFIJTË E PAGAVE PËR PUNONJËSIT E POLICISË SË BASHKIVE E TË KOMUNAVE

Emërtesa	Nga	Paga (lekë/muaj)
		deri
Kryeinspektor i policisë bashkiake të Tiranës	70 000	80 000
Kryeinspektor i policisë në njësitë e qeverisjes vendore me mbi 50 000 banorë	55 000	63 000
Kryeinspektor i policisë në njësitë e qeverisjes vendore, nga 5001 deri në 50 000 banorë	42 000	47 000
Inspektor i policisë bashkiake të Tiranës	55 000	63 000
Inspektor i policisë në njësitë e qeverisjes vendore me mbi 50 000 banorë	38 000	43 000
Inspektor i policisë në njësitë e qeverisjes vendore, nga 5001 deri në 50 000 banorë	32 000	37 000
Punonjës i policisë bashkiake të Tiranës	42 000	47 000
Punonjës i policisë në njësitë e qeverisjes vendore, me mbi 50 000 banorë	32 000	37 000
Punonjës i policisë në njësitë e qeverisjes vendore, nga 5001 deri në 50 000 banorë	30 000	35 000
Punonjës i policisë në njësitë e qeverisjes vendore, deri në 5001 banorë	27 000	30 000